



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀԱՅՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_504
Տուգանք նշանակելու մասին

20.12.2023թ.

ք. Երևան

Քննելով տեսչական մարմնի կողմից 2023թ. հոկտեմբերի 04-ի N 672-Ա հրամանով

«ՓՈՒՐԹՈՅԱՆ» ՍՊԸ-ում /ՀՎՀՀ՝ 00468436/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 672-Ա կազմված 14.11.2023թ., խախտումների մասին 26.10.2023թ. արձանագրությունը և այլ նյութերը), որոնցով բացահայտվել է որ՝ ՍՊԸ-ն ՀՀ, ք. Երևան, Տիգրան Մեծի 36/1 հասցեում իրականացնում է բենզինի (ԱԻ-92-Կ5, ԱԻ-92-Կ5) և դիզելային վառելիքի (ԴՎ-Ա-Կ5) մանրածախ վաճառքով:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ավտոմոբիլային և ավիացիոն բենզինի, դիզելային և նավային վառելիքի, ռեակտիվ շարժիչների համար նախատեսված վառելիքի և մագուրի ստուգման վերաբերյալ» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման ընթացքում լցակայանից վերցվել են բենզինի (ԱԻ-92-Կ5, ԱԻ-95-Կ5) և դիզելային (ԴՎ-Ա-Կ5) վառելիքի փորձանմուշներ, որոնք հանձնվել են «Ստանդարտացման և չափագիտության ազգային մարմին» ՓԲԸ և ՀՀ Շուկայի վերահսկողության տեսչական մարմնի «Նմուշառման, լաբորատոր փորձանմուշների և չափումների իրականացման վարչության» փորձարարական լաբորատորիաներ: Համաձայն լաբորատորիայի կողմից տրված N60 փորձարկման արձանագրության՝ հանձնված դիզելային վառելիքի (ԴՎ-Ա-Կ5) ծծմբի պարունակությունը կազմել է 103, մինչդեռ ըստ ՆՓ-ի պետք է լինի 10-ից ոչ բարձր, որպեսզի զանցանքը նախատեսված է ՎԻՎ օրենսգրքի 188-րդ հոդվածի 7-րդ մասով:

Ստուգմամբ հայտնաբերվել է, նաև որ ք. Երևան, Տիգրան Մեծի 36/1 հասցեում հեղուկ վառելիքի մանրածախ վաճառք՝ 11.11.2022թ.-ից մինչև 03.05.2023թ. ընկած ժամանակահատվածը, իրականացվել է օրենքով սահմանված 5լ. և 10լ. անվանական տարողությամբ տուգաչափված տարայի բացակայությամբ, որպեսզի զանցանքը նախատեսված է ՎԻՎ օրենսգրքի 158-րդ հոդվածի 39-րդ մասով:

Տեսչական մարմնի ղեկավարի կողմից խախտումների և թերությունների վերացման ուղղությամբ կարգադրագիր չի արձակվել, քանի որ ստուգման պահին թերությունները և խախտումները վերացվել են՝ այն է 10լ. անվանական տարողությամբ տարան ստուգաչափվել է, իսկ դիզելային վառելիքի խմբաքանակը ամբողջությամբ իրացվել է:

Փաստացի խախտվել են՝ Մաքսային միության հանձնաժողովի 18.10.2011թ. N826 որոշմամբ հաստատված «Ավտոմոբիլային և ավիացիոն բենզինի, դիզելային և նավերի համար նախատեսված վառելիքին, ռեակտիվ շարժիչների համար նախատեսված վառելիքին և մազութին ներկայացվող պահանջների մասին» ՄՄ ՏԿ 013/2011 կանոնակարգի 4-րդ հոդվածի 4.4-րդ կետի «Առևտրի և ծառայությունների մասին» ՀՀ օրենքի 9-րդ հոդվածի 17.2-րդ կետի, ՀՀ կառավարության 2022թ. ապրիլի 22-ի N537-Ն որոշման հավելվածի 7-րդ կետի պահանջները:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում՝ «ՓՈՒՐԹՈՅԱՆ» ՍՊԸ -ի տնօրեն՝

Գոռ Արաիկի Ավետիսյանը

իրավախախտողի անունը, ազգանունը, պաշտոնը

ՀՀ, ք. Երևան, Արամի փ., 48 շենք, բն. 104

մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն

գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 20.12.2023թ.-ին ժամը 11:00-ին կայանալիք վարչական գործի քննությանը, այն է Տեսչական մարմնի կողմից ապահովվել է նրա լսված լինելու իրավունքը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու Գոռ Արաիկի Ավետիսյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 7-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի հազարապատիկի չափով, այն է՝ 1 000 000 /մեկ միլիոն/ ՀՀ դրամ և Հայաստանի Հանրապետության օրենսգրքի 158-րդ հոդվածի 39-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի չորսհարյուրապատիկի չափով, այն է՝ 400 000 /չորս հարյուր հազար/ ՀՀ դրամ: Տուգանքի ընդհանուր չափի կազմում է 1 400 000 /մեկ միլիոն չորս հարյուր հազար/ ՀՀ դրամ:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում վարչական կամ դատական կարգով ՀՀ Վարչական դատարան::

ՏԵՍՉԱԿԱՆ ՄԱՐՄՆԻ ՂԵԿԱԿԱՐ՝



ԱՐՄԵՆ ԿՈՏՈԼՅԱՆ